

尚書攷辨

陶

錫

山

書

端

三)

尚書攷輯

閻
錄
一
書
卷
五
下

尙書攷辨卷第三

承德郎廣東南雄府通判安邑宋鑾著

僞古文尙書二十五篇攷辨上

復出二篇附

秦人焚經而經存漢人說經而經亡非篤論也漢儒興絕學于斯文既喪之餘雖復抱殘守缺而一時專門名家湛深經術斯稱極盛矣上則有明君賢王以大其表章下則有碩士通儒以司其訂正卽有作僞如張霸父子不能售其詐也降此三國兩晉立風大倡外托清流內釀禍亂禮崩樂壞經典漸滅江左艸創殘闕益甚于時梅氏者以其僞書僞傳堂堂奏上知朝廷之可欺也既無天祿石渠之藏以證其謬又無劉子政子駿賈景伯班孟堅馬季長之徒典校書以燭其奸當是時學者不見完古文已數百年一旦五十八篇復出莫不爭相傳誦以爲古文再見也奚暇計其眞僞哉或講大義或作疏解後生蹈常襲故莫敢瑕

疵中更宋齊梁陳詞章學起延及隋唐未能革焉孔仲達定爲正義勒布庠序遂成盤石之勢矣然而可以欺一時不可以欺萬世可以欺千萬人庸衆之目不可以欺一二人有覺之心有宋吳才老始克據其文體以識其僞此千載是非之公不泯滅于人心者也紫陽師弟子踵而疑之學者始得倚以爲重入元及明詆排攻擊者甚夥顧其立說卒亦莫得要領殆未嘗探本窮原深攷其故爾夫作僞有作僞之才與其學若淺見寡聞而欲以武斷折其角適足爲作僞者嗤矣誠能發其揲襲之原摘其補苴之迹溯其遷就之由暴其悖戾之顯然者雖起九京而問之不知其尺喙安施也國朝則吾鄉閻先生考覈其最富乎德清胡臚明其次也朱竹垞顧亭林猶未免依違其間今亦未敢執一先生之言以爲論定考惟其據不厭詳辨惟其明不厭博庶讀者展卷瞭然信固難信疑亦無復可疑矣孟子曰盡信書則不如無書矧其爲晚出之

增益者歟

虞書

大禹謨

曰若稽古大禹曰文命敷于四海祇承于帝曰后克艱厥后臣克艱厥臣政乃
乂黎民敏德帝曰兪允若茲嘉言罔攸伏野無遺賢萬邦咸寧稽于衆舍己從
人不虐無告不廢困窮惟帝時克益曰都帝德廣運乃聖乃神乃武乃文皇天
眷命奄有四海爲天下君禹曰惠迪吉從逆凶惟影響益曰吁戒哉儆戒無虞
罔失法度罔遊于逸罔淫于樂任賢勿貳去邪勿疑疑謀勿成百志惟熙罔違
道以干百姓之譽罔咈百姓以從己之欲無怠無荒四夷來王禹曰於帝念哉
德惟善政政在養民水火金木土穀惟修正德利用厚生惟和九功惟敘九敘
惟歌戒之用休董之用威勸之以九歌俾勿壞帝曰兪地平天成六府三事允
治萬世永賴時乃功帝曰格汝禹朕宅帝位三十有三載耄期倦于勤汝惟不

怠總朕師禹曰朕德罔克民不依皋陶邁種德德乃降黎民懷之帝念哉念茲在茲釋茲在茲名言茲在茲允出茲在茲惟常念功帝曰皋陶惟茲臣庶罔或干予正汝作士明于五刑以弼五教期于予治刑期于無刑民協于中時乃功懋哉皋陶曰帝德罔愆臨下以簡御衆以寬罰弗及嗣賞延于世宥過無大刑故無小罪疑惟輕功疑惟重與其殺不辜寧失不經好生之德洽于民心茲用不犯于有司帝曰俾予從欲以治四方風動惟乃之休帝曰來禹潯水微予成尤成功惟汝賢克勤于邦克儉于家不自滿假惟汝賢如惟不矜天下莫與汝爭能汝惟不伐天下莫與汝爭功予懋乃德嘉乃丕績天之歷數在汝躬汝終陟元后人心惟危道心惟微惟精惟一允執厥中無稽之言弗聽弗詢之謀勿庸可愛非君可畏非民衆非元后何戴后非衆罔與守邦欽哉慎乃有位敬修其可願四海困窮天祿永終惟口出好興戎朕言不再禹曰枚卜功臣惟吉之從帝曰禹官占惟先蔽志昆命于元龜朕志先定詢謀僉同鬼神其依龜筮協

從卜不習吉禹拜稽首固辭帝曰母惟汝諧正月朔旦受命于神宗率百官若
帝之初帝曰咨禹惟時有苗弗率汝徂征禹乃會羣后誓于師曰濟濟有衆咸
聽朕命蠢茲有苗昏迷不恭侮慢自賢反道敗德君子在野小人在位民棄不
保天降之咎肆予以爾衆士奉辭伐罪爾尙一乃心力其克有勳三旬苗民逆
命益贊于禹曰惟德動天無遠弗届滿招損謙受益時乃天道帝初于歷山往
于田日號泣于旻天于父母負罪引慝祇載見瞽瞍夔夔齊慄瞽亦允若至誠
感神矧茲有苗禹拜昌言曰兪班師振旅帝乃誕敷文德舞干羽于兩階七旬
有苗格

敬考此僞書所作第一篇也孔壁真古文增多十六篇原有大禹謨一
篇遭赤眉之亂而亡但鄭目十六篇舜典之後大禹謨之前尙有汨作
九其二題置而不作者按書序云帝釐下土方設居方別生分類作汨
作九共九篇各經傳引書與此序關合者絕少安能徒手出胸臆譔成

此十篇邪大禹謨則有論語左傳已下所稱書文事多關禹集成篇

不難爾故偽作自大禹謨始今據愚之所知悉爲表而出之猶可見其

苦心搜羅匠意經營之迹云

堯典曰若稽古

臯陶謨同

大戴禮記

禹

曰文命

五帝德

易萬國咸寧

乾象傳

孟

子舍已從人

公孫丑

莊子堯曰吾不敖無告不廢窮民

天道

呂覽夏書曰天

子之德廣運乃神乃武乃文

務本

尸子舜曰從道必吉反道必凶如影如響

太平御覽引

戰國策書云去邪勿疑任賢勿貳

趙王立周紹爲傳

左傳夏書曰戒之

用休董之用威勸之以九歌俾勿壞九功之德皆可歌也謂之九歌六府三

事謂之九功水火金木土穀謂之六府正德利用厚生謂之三事

文七年

又

夏書曰地平天成

僖二十四年

孟子舜薦禹于天十有七年

萬章

左傳夏書曰

臯陶邁種德德乃降

莊八年

又夏書曰念茲在茲釋茲在茲名言茲在茲允

出茲在茲惟帝念功

襄二十一年

孟子舜曰惟茲臣庶汝其于予治

萬章

前漢

書傳曰賞疑從予罰疑從去

馮奉世傳

左傳夏書曰與其殺不辜寧失不經

二

十八年

荀子舜曰維予從欲而治

大略篇

孟子書曰泮水警余

滕文公

左傳

夏書曰成允成功

襄五年

老子不自伐故有功不自矜故長夫惟不爭故天

下莫能與之爭

曲則全章

荀子不爭矣夫故天下不與爭能

君子篇

論語天之

歷數在爾躬

堯曰

荀子道經曰人心之危道心之微

解蔽篇

論語允執其中

堯曰

荀子無稽之言不聞之謀君子慎之

正名篇

國語夏書有之曰衆非元

后何戴后非衆無與守邦

周

論語四海困窮天祿永終

堯曰

墨子先王之

書術令之道曰唯口出好興戎

尚同中

左傳王與葉公枚卜子良以爲令尹

哀十七年

又夏書曰官占唯能蔽志昆命于元龜

哀十八年

又卜不襲吉

哀十七年

墨子昔者禹征有苗

非攻下

又禹誓禹曰濟濟有衆咸聽朕言非惟小子敢

行稱亂蠢茲有苗用天之罰若予既率爾羣對諸羣以征有苗

兼愛下

國語

奉辭伐罪

鄭

孟子舜往于田號泣于旻天于父母

章萬

又書曰祗載見瞽

賸夔夔齊慄瞽瞍亦允若

萬章

淮南內書忠信形于內感動應于外故禹執干

戚舞于兩階之間而三苗服

繆訓

夏書

五子之歌

大康尸位以逸豫滅厥德黎民咸貳乃盤遊無度畋于有洛之表十旬弗反有窮后羿因民弗忍距于河厥弟五人御其母以從僂于洛之汭五子咸怨述大禹之戒以作歌其一曰皇祖有訓民可近不可下民惟邦本本固邦寧予視天下愚夫愚婦一能勝予一人三失怨豈在明不見是圖予臨兆民懷乎若朽索之馭六馬爲人上者奈何不敬其二曰訓有之內作色荒外作禽荒甘酒嗜音峻宇彫牆有一于此未或不亡其三曰惟彼陶唐有此翼方今矢厥道亂其紀綱乃底滅亡其四曰明明我祖萬邦之君有典有則貽厥子孫關石和鈞王府則有荒墜厥緒覆宗絕祀其五曰嗚呼曷歸予懷之悲萬姓仇予予將疇依鬱

陶乎予心顏厚有忸怩弗慎厥德雖悔可追

敬考五子之歌亦在十六篇之數所謂逸書絕無師說者也張霸之作百兩篇采書序左氏傳爲作首尾今梅書亦復如是此篇乃全用序語而雜采左國之文傳會以屬成者

書序大康失邦昆弟五人須于洛汭作五子之歌 左傳夏訓有之曰有窮

后羿襄四年國語書曰民可近也而不可上也周又夏書有之曰一人三

失怨豈在明不見是圖晉新序孔子曰履民之上凜乎如以腐索馭犇馬

四雜事國語王曰出則禽荒入則酒荒越戰國策魯君曰有一于此足以

亡其國梁王魏嬰左傳夏書曰惟彼陶唐帥彼天常有此翼方今失其行

亂其紀綱乃滅而亡哀六年國語闕石罅均王府則有周孟子曰鬱陶思

君爾忸怩萬章

賡征

惟仲康肇位四海膺侯命掌六師羲和廢厥職酒荒于厥邑膺后承王命徂征
告于衆曰嗟予有衆聖有謨訓明徵定保先王克謹天戒臣人克有常憲百官
修輔厥后惟明明每歲孟春道人以木鐸徇于路官師相規工執藝事以諫其
或不恭邦有常刑惟時羲和顛覆厥德沈亂于酒畔官離次俶擾天紀遐棄厥
司乃季秋月朔辰弗集于房瞽奏鼓嗇夫馳庶人走羲和尸厥官罔聞知昏迷
于天象以干先王之誅政典曰先時者殺無赦不及時者殺無赦今予以爾有
衆奉將天罰爾衆士同力王室尙弼予欽承天子威命火炎崑岡玉石俱焚天
吏逸德烈于猛火殲厥渠魁脅從罔治舊染汙俗咸與惟新嗚呼威克厥愛允
濟愛克厥威允罔功其爾衆士懋戒哉

敬考孔壁增多有膺征其篇久亡于東漢之初惟史記載其序于仲康
之世或從安國問而知之或佗有所受乃僞作者卽據史記定爲仲康
而依傍序文兼徵左氏傳孟春日食二事譔成其篇

書序義和酒淫廢時亂日曆往征之作曆征 史記帝中康時義和云云

同文

書序
夏本紀

左傳書曰聖有謨訓明徵定保

襄二十一年

又夏書曰道人以木鐸

狗于路官師相規工執藝事以諫正月孟春于是乎有之

襄十四年

又夏書曰

辰不集于房瞽奏鼓嗇夫馳庶人走

昭十七年

荀子書曰先時者殺無赦不及

時者殺無赦

君道

左傳吳公子光曰吾聞之曰作事威克其愛雖小必濟

昭二年

十三年

商書

仲虺之誥

成湯放桀于南巢惟有慙德曰予恐來世以台爲口實仲虺乃作誥曰嗚呼惟天生民有欲無主乃亂惟天生聰明時又有夏昏德民墜塗炭天乃錫王勇智表正萬邦纘禹舊服茲率厥典奉若天命夏王有罪矯誣上天以布命于下帝用不臧式商受命用爽厥師簡賢附勢實繁有徒肇我邦于有夏若苗之有莠

若粟之有秕小大戰戰罔不懼于非辜矧子之德言足聽聞惟王不邇聲色不殖貨利德懋懋官功懋懋賞用人惟已改過不吝克寬克仁彰信兆民乃葛伯仇餉初征自葛東征西夷怨南征北狄怨曰奚獨後予攸徂之民室家相慶曰奚予后後來其蘇民之戴商厥惟舊哉佑賢輔德顯忠遂良兼弱攻昧取亂侮亡推亡固存邦乃其昌德日新萬邦惟懷志自滿九族乃離王懋昭大德建中于民以義制事以禮制心垂裕後昆予聞曰能自得師者王謂入莫已若者亡好問則裕自用則小嗚呼愼厥終惟其始殖有禮覆暴昏欽崇天道永保天命敬考仲虺之誥增多所無也汨作九共之等既不能作則不得不別作以充數仲虺之誥明有左氏傳墨子荀子呂覽所引仲虺語可徵以取信也遂采輯而作仲虺之誥

國語桀韓南巢晉

史記成湯有南巢之伐律書

左傳而猶有慙德

襄二十九年

墨子仲虺之告曰我聞有夏人矯天命于下帝式是增用爽厥師

非命下

左傳鄭書有之惡直醜正實蕃有徒昭二十八年孟子書曰葛伯仇餉滕文公

又書曰湯一征自葛始 又東面而征西夷怨南面而征北狄怨曰奚爲後

我 又書曰徯我后后來其蘇並梁惠王 左傳兼弱攻昧 又仲虺有言曰取

亂侮亡並宣十二年 又仲虺有言曰亡者侮之亂者取之推亡固存國之道也

襄十四年 大學湯之盤銘曰苟曰新 荀子以義制事君子 又其在中歸之言

也曰諸侯自爲得師者王得友者霸得疑者存自爲謀而莫己若者亡堯開呂

覽仲虺有言曰略同見驕恣 老子慎終如始其安易特章 左傳親有禮又覆昏亂閔元年

湯誥

王歸自克夏至于亳誕告萬方王曰嗟爾萬方有衆明聽予一人誥惟皇上帝降衷于下民若有恆性克綏厥猷惟后夏王滅德作威以敷虐于爾萬方百姓爾萬方百姓罹其凶害弗忍荼毒並告無辜于上下神祇天道福善禍淫降災于夏以彰厥罪肆台小子將天命明威不敢赦敢用玄牡敢昭告于上天神后

請罪有夏聿求元聖與之戮力以與爾有衆請命上天孚佑下民罪人黜伏天命弗僭責若草木兆民允殖俾予一人輯寧爾邦家茲朕未知獲戾于上下慄慄危懼若將隕于深淵凡我造邦無從匪彝無卽愾淫各守爾典以承天休爾有善朕弗敢蔽罪當朕躬弗敢自赦惟簡在上帝之心其爾萬方有罪在予一人予一人有罪無以爾萬方嗚呼尙克時忱乃亦有終

敬考逸十六篇有湯誥司馬遷從安國問得其文載諸殷本紀凡百二十六字是孔壁古文之真湯誥也乃若以史記不足徵信而倚論語爲重因割割論語攔變其辭參以國語墨子而作此篇

書序湯既黜殷命復歸于亳作湯誥

國語先王之令有之曰天道賞善而

罰淫

周

論語予小子履敢用玄牡敢昭告于皇皇后帝

堯曰

墨子湯誓曰

聿求元聖與之戮力同心以治天下

尙賢中

又湯曰卽當朕身履未知得罪

于上下

兼愛下

國語故凡我造國無從非彝無卽愾淫各守爾典以承天休

周論語有罪不敢赦帝臣不蔽簡在帝心朕躬有罪無以萬方萬方有罪

罪在朕躬

堯曰
覽順民
墨子兼愛下呂
引湯誓略同

伊訓

惟元祀十有二月乙丑伊尹祀于先王奉嗣王祗見厥祖侯甸羣后咸在百官
總已以聽冢宰伊尹乃明言烈祖之成德以訓于王曰嗚呼古有夏先后方懋
厥德罔有天災山川鬼神亦莫不寧暨鳥獸魚鼈咸若于其子孫弗率皇天降
災假手于我有命造攻自鳴條朕哉自亳惟我商王布昭聖武代虐以寬兆民
允懷今王嗣厥德罔不在初立愛惟親立敬惟長始于家邦終于四海嗚呼先
王肇修人紀從諫弗咈先民時若居上克明爲下克忠與人不求備檢身若不
及以至于有萬邦茲惟艱哉敷求哲人俾輔于爾後嗣制官刑儆于有位曰敢
有恒舞于宮酣歌于室時謂巫風敢有殉于貨色恒于遊畋時謂淫風敢有侮
聖言逆忠直遠耆德比頑童時謂亂風惟茲三風十愆卿士有一于身家必喪